



Na osnovu člana 64. stav (1) tačka b) i člana 70. Zakona o javnim nabavkama («Službeni glasnik BiH», broj 39/14) i člana 18. Poslovnika Centralne izborne komisije Bosne i Hercegovine («Službeni glasnik BiH», broj 29/18), na preporuku Komisije za javne nabavke od 09.07.2018. godine, Centralna izborna komisija Bosne i Hercegovine je na 34. sjednici, održanoj 12.07.2018. godine, donijela

O D L U K U **o izboru najpovoljnijeg ponuđača**

(1) Ugovor za javnu nabavku usluga štampanja i DTP publikacija **LOT 1-Štampanje i DTP knjige „IZBORI U BOSNI I HERCEGOVINI -DUG PUT KA DEMOKRATSKIM STANDARDIMA”**, dodjeljuje se ponuđaču **„ŠTAMPARIJA FOJNICA“ d.d. Fojnica.**

(2) Ponuda ponuđača iz stava (1) dispozitiva ove odluke zadovoljava sve uvjete utvrđene u predmetnoj tenderskoj dokumentaciji i istom je ponuđena najniža cijena u iznosu od **5.880,00 KM bez PDV, odnosno 6.879,60 KM sa PDV.**

(3) Ponuđaču iz stava (1) dispozitiva ove odluke, će biti dodijeljen ugovor u skladu sa elementima iz ponude, uvjetima i kriterijima utvrđenim u tenderskoj dokumentaciji.

(4) Ova odluka stupa na snagu danom donošenja i objavit će se na internet-stranici Centralne izborne komisije BiH.

Obrazloženje


Postupak javne nabavke usluga štampanja i DTP publikacija **LOT 1-Štampanje i DTP knjige „IZBORI U BOSNI I HERCEGOVINI-DUG PUT KA DEMOKRATSKIM STANDARDIMA”** proveden je putem otvorenog postupka. Obavještenje o javnoj nabavci objavljeno je na Portalu javnih nabavki broj: 794-1-2-154-3-28/18 od 13.06.2018. godine. Do krajnjeg roka za prijem ponuda dana 29.06.2018. godine do 14,00 sati dostavljene su četiri ponude: grupe ponuđača: „Grafomark“ d.o.o Laktaši-predstavnik grupe ponuđača, „Javna ustanova Službeni glasnik RS“, Banja Luka i „Dnevne nezavisne novine“ d.o.o Banja Luka, članovi grupe, ponuđač „Štamparija Fojnica“ d.d Fojnica, ponuđač „Eurografika Zvornik“ d.o.o Zvornik i ponuđač "Grafika Šaran" d.o.o Sarajevo.

Komisija za javne nabavke, imenovana odlukom broj: 07-2-16-3-543-2/18 od 24.05.2018. godine, izvršila je pregled i ocjenu dva kvalifikovana ponuđača o čemu je sačinila Zapisnik o pregledu i ocjeni ponuda broj: 07-2-16-3-543-16/18 od 09.07.2018. godine i dala preporuku Centralnoj izbornoj komisiji BiH da u ovom predmetu javne nabavke donese odluku o izboru najpovoljnijeg ponuđača i dodjeli ugovor ponuđaču "Štamparija Fojnica" d.d Fojnica s obzirom da je njegova ponuda u skladu sa kriterijima i tehničkom specifikacijom utvrđenom tenderskom dokumentacijom i da je ponuđena cijena u iznosu od 5.880,00 KM bez PDV, odnosno 6.879,60 KM sa PDV ocijenjena kao prihvatljiva i u okviru osiguranih sredstava za predmetnu nabavku u budžetu Centralne izborne komisije BiH. Imajući u vidu naprijed navedeno, Centralna izborna komisija BiH je i odlučila kao u dispozitivu ove odluke.

Pouka o pravnom lijeku: Žalba se izjavljuje Centralnoj izbornoj komisiji BiH u pisanoj formi u tri primjerka neposredno ili preporučenom poštanskom pošiljkom u roku od 10 dana od dana prijema ove odluke.

Broj: 07-2-16-3-543-18/18
Sarajevo, 12.07.2018. godine

Dostavljeno:
-Ponuđačima
- Sektoru za finansijske i opće poslove
- na internet stranicu CIK BiH
-a/a



Predsjednica

Dr. Irena Hadžiabdić